



25. ՈՒՍՏԱ ՄՈՒՐԱԴԻ ՀԵՋԻԱԹԸ

Քանանու երկրում¹ կենում էր մի թաքավոր Աղիզ էֆենդի անունով: Էս թաքավորը իրեք տղա ուներ: Ամենից պստկի անունը Մուրադ էր ու ամենից ղոշաղը նա էր: Մի անգամ թաքավորը իրա իրեք տղերքանցը ղրկեց մոտիկ գեղերը՝ բանի: Ճամփին սրանց վրա դողեր թափեցին: Վախությունից էրկու աղբրտինքը փախան, մնաց Մուրադը՝ պուճուր աղբերը: Մուրադը էդ գողերի հետ կռիվ արեց ու հաղթեց, մի քանիսին սպանեց, մի քանիսին էլ ձիու ոտը կասպեց ու բերեց իրա վախուկ աղբրտոնց մոտ:

— Ամո՞թ չի ձեզ,— ասեց Մուրադը,— բալքի ինձ գողերը սպանում էին, ինչու ինձ մենակ թողիք, փախաք. աղբերությունը էդպես ա, հա՛— Մուրադի աղբրտինքը կարմրեցան ու վախեցան, չըլնի թե էթա Մուրադը թաքավորին ասի. մտածեցին, որ մի դժո՜ղ նրան կորցնեն, որ չէթա ասի իրանց հորը:

Նրանք Մուրադին ասեցին.— Ըսաեղ մի խոր հոր կա, մեջը լիքը ոսկի, էրծաթ. էթանք կախ ըլնենք, հանենք:

¹ Քանանու երկիրը Քանանացոց երկիրն է, ու ավանդություն կա այս երկրի մասին, իրրե թե այս երկրի գայլերը միս չեն ուտում, այլ ցորեն, որովհետև Հակոբը անիծել է նրանց ու ասել, որ «Դուք եք կերել իմ Հովսեփ որդուն: Սրանից դենը դուք ցորեն կուտե՞ք» (Մ. Բ.):

Մուրադը, որ սրտոտ ու զոչաղ տղա էր, ասեց.— Որդի՛ ա, էթանք ես կախ կըլնեմ, կհանեմ։— Աղբերտինքը նրան տարան մի խոր հոր շանց տվին։ Պարանով Մուրադին կախ արին հորը ու դեռ հլա չէր հասել, բռկը կտրեցին, ու Մուրադը ընկավ ջրով լիքը հորը։ Համա նրա բախտից ջուրը էնքան խոր չէր, որ նա խեղդվեր։

Մի բեղրգյան էկավ իրա հմար ջուր հանելու էս հորից ու փարխաշը կախ արեց թե չէ, Մուրադը նստեց նրա մեջ. բեղրգյանը ճկրելով անջախ կարաց նրան դուս քաշի։ Բեղրգյանը առաջին անգամ որ տեհավ Մուրադին, վախեց։ Համա Մուրադը նրան սիրտ տալով ասեց.

— Մի վախենա, ես հողածին եմ, իմ աղբերտինքը վատություն արին, ինձ գցեցին էս հորը, որ մեռնեմ, համա աստված ինձ խղճաց ու քու ձեռքով պրծացրեց ինձ։ Մուրադը շնորհակալ էլավ իրան աղատող բեղրգյանից ու իրա ճամփով գնաց։

Մուրադը տենալով, որ էլ իրա աղբորտանց մոտ էթալը իղուր ա, շունքի նրանք ամեն վախտ ուղում են զիան տա, ասեց որ.— «Ելավ կըլնի, որ գլուխս վե կալնեմ մի դհով էթամ, իմ աղբորտանց էրեսը շտննամ»։ Մուրադը գնաց ու մի թաքավորի մոտ ձիապան էլավ։ Մուրադի աղբորտինքը իմացան, որ Մուրադը իրանց քցած հորից դուս ա էկել ու ուրիշ թաքավորի մոտ ձիապան ա, միտք արեցին, որ նրան էնտեղ էլ մի զիան տան, շունքի իրանց արած բանը կարար իրանց հոր ա կանջը ընկնի։

Նրանք մի պառավ կնիկ գտան, որը խոռք տվեց, որ կէթա նրան մի բանով կկորցնի։ Նրանք էլ էն պառավ կնկանը փող տվին։ Պառավը գնաց էն թաքավորի մոտ ու ասեց.

— Թաքավորն ապրած կենա, քեզ ամեն բան թամամ ա, մնում ա, որ ֆլան թաքավորի աղջկա մոտից բերել տաս նրա Բյուլբյուլը, որ էնթավուր խոսում ա՝ մարդի խելք տ էթում։

Թաքավորը ասեց.— Ախար լավ ես ասում, ո՞վ կարա նրա մոտից փախցնի Բյուլբյուլը, հեշտ բան չի։

Պառավը ասեց.— էն քու ձիապան Մուրադը կարա բերի, էլ ոչով, նրան զրկի։

Մուրադին թաքավորը կանչեց ու ասեց, որ՝ ոնց որ ըլնի, պտի էթաս բերես ֆլան թաքավորի աղջկա Բյուլբյուլը, թե չէ գլուխդ կկտրեմ։ Խեղճ Մուրադը ինչ կարար ասի, թաքավորի հրամանն տ,

պտի իրա զուխը մահին տար ու ոնց որ ընեն պտի թաքավորի աղջկա Բյուրյուլը թոցներ ու բերեր:

Ղոշաղ Մուրադը վե կացավ ու «Յա՛ տեր աստված» կանչելով ճամփա ընկավ: Ճամփին ռաստ էկավ մի դև, որ նստել կրակ էր արել ու տավարների գլխները շամփրի վրա շարել, խորովում էր:

Մուրադը դեհն բարով տվեց ու կրակի մոտ նստեց:

— Բարո՛ւ, աստծու բարին,— սլատասխանեց դևը,— դու ո՞նց սիրտ արիք ու էկար ըստեղ. օձն իրա պորտով, ղուշն իրա թևով չի կարացել գա ըստեղ, դու ո՞նց էկար: Լա՛ւ, արի խորոված ուտենք, հետո կովենք:

Դեն ու Մուրադը նստեցին հաց կերան, պրծան, վե կացան կովելու:

Մուրադը իրա դյուրղը քցեց՝ դևը բռնեց, դևը քցեց՝ Մուրադը բռնեց: Սիւար էրկուսն էլ ղոշաղ են, ո՞նց պտի իրար հաղթեն: Տասը օր էսպես իրար հետ կովեցին ու նրանցից ոչ մինը չկարաց հաղթի մեկելին:

Մուրադը դեհն ասեց.— էսպես կռիվ անելով բան չի ըլնի. արի կռիւ պրծնենք, ով ում դետնովը տա՛ նա նրան մորթի, չունքի մեր ձիաները անդարի են մնացել, սաղ տաս օր զատ չեն կերել, մեղք են, մենք էլ ենք մեղք:

Մուրադն ու դևը կռիւ պրծան. ղոշաղ Մուրադը վե կալավ դեհն ու դետնին չկացրեց. թուրը քաշեց որ մորթի, դևը ասեց.

— Ինձ դու հլա մի մորթի. չունքի դու էթում ես, որ թաքավորի աղջկա Բյուրյուլը փախցնես, ես ասեմ, թե ո՞նց պտի բերես Բլրին: Մենք նրա հմար ենք, որ մարդի չթողնենք, որ րստեղով անց կենա: Սրանից որ մի պուճուր հեռանաս, մի ղոշաղ մարդի կաննաս, որ ծառի տակ նստել ա: Հաղարավոր մարդիկ են դնացել նրա մոտ, բոլորին էլ նա մորթել ա ու նրանց ջամպակներից բերդ ջինե, նրա մեջ ա ապրում: Թե որ նրա ձեռից էլ պրծնես, շատ մեծ բան ա: Հետո կէթաս թաքավորի աղջկա մոտ: Նա քնած կըլնի ու նրա կողքերին շորս մում ա վառվում: Թաքավորի պալատի առաջ կանդնած են մի ոչխար ու մի դել: Գելի առաջ խոտ ա դրած, համա ոչխարի առաջ՝ դմակ: Կէթաս ոչխարի առաջից դմակը վե կկալնես ու կդնես դելի առաջ, իսկ դելի առաջից խոտը կառնես ոչխարի առաջ կդնես: Հետո պալատը էրկու դուռ ունի, մինը բաց ա, մեկելը՝ շինած. շինած դուռը բաց կանես, բացը՝ կշինես: Պալատի

դռներին զանգուկներ են կախ արած, որ Բյուրյուլը վերցնես, զանգուկները ձեն կտան ու թաքավորի աղջիկը քնած տեղից վե կկենա ու հետո նրա ձեռից շես պրծնի, շունքի նա շատ ղոշաղ ու իգիթ աղջիկ ա: Հետո բամբակ կտանես ու զանգուկների մեջ կլցնես, որ ձեն շհանեն: Հետո կէթաս ու Բլբլի ղաֆազը, աղջկա աջ դհում կախ ա արած, կը վեկալնես ու մի լավ էլ նրա էրեսը կպաշես՝ էն սհաթը իրեսին խալ դուս կգա, ու դու կփախչես: Հետեիցդ սար կը ձեն տա՝ «տարա՛ն», քո կը ձեն տա՝ «տարա՛ն», քար կը ձեն տա՝ «տարա՛ն», համա դու իսկի եգ մտիկ շտաս ու փախի գնա, որ պրծնես:

Դեւ հենց որ իրա խոսքը վերջացրեց, ղոշաղ Մուրադը թուրը քաշեց ու դեի գլուխը կտրեց: Դեի հաղթելուց հետո նա գնաց գնաց էն ղոշաղ մարդուն ռաստ էկավ, որ ծառի տակ նստած էր: Մուրադը նրան մտիկ տվեց ու ասեց.

— Էկել եմ, որ քեզ հետ կոխվ անեմ ու էթամ թաքավորի աղջկա Բյուրյուլը բերեմ, փախցնեմ:

Ղոշաղ մարդը ասեց.— Լա՛վ, արի կոխվ անենք, ով ում հաղթի՝ նա նրան մորթի, հրես թուրը ըստեղ ցցած ա:— Մուրադը իրա գյուրզը քցեց՝ նա բռնեց, նա քցեց՝ Մուրադը բռնեց: Էսպես մի տասը տասնհինգ օր կոխվ արին, համա նրանցից ոչ մինը չկարաց հաղթի մեկելին, շունքի էրկսով էլ ղոշաղ էին:

Հետո Մուրադը ասեց.— Արի կոխ պրծնենք, ով ում գետնով տա, նա նրան մորթի:— Էդ մարդն էլ լսեց նրա խոսքին ու սկրսեցին իրար հետ կոխ պրծնել: Իրար դես ու դեն քաշքշեցին ու ղոշաղ Մուրադը վե կալավ ղոշաղ տղին գետնովը տվեց: Մուրադը նրա մի ոտը կպսեց մի ծառից, մեկելը՝ մյուս, որ մի-մի ձեռով էր էն մենձ ծառերը կռացրել, ու բաց թողեց, ղոշաղ մարդը կես էլավ:

Դեի ու ղոշաղ մարդուն սպանելուց հետո նա գնաց հասավ թաքավորի պալատը: Դռան առաջ կանգնած ոչխարի առաջից դմակը վե կալավ ու գրեց գելի առաջը. գելի առաջից էլ խոտը վե կալավ՝ գրեց ոչխարի առաջը: Էն դուռը, որ շինած էր՝ բաց արեց. իսկ բաց արածը՝ շինեց: Գնաց զանգակները բամբակով լցրեց ու ներս մտավ թաքավորի աղջկա օթախը, Բլբլի ղաֆազը, որ կախ էր արած նրա գլխի վերևը, վե կալավ ու նրա էրեսը պաշեց՝ խալ ընկավ էրեսին: Մուրադը Բլբլի ղաֆազը փախցրեց. քար ձեն տվեց:

նտեղիցը՝ «տարա՛ն», բոլ ձեն տվեց՝ «տարա՛ն», համա նա փախավ
դնաց: Աղջիկը վե կացավ ու էկավ ասեց զանգակներին. «Ինչո՞ւ
ձեն չ՛անցիրք»: Նրանք ասեցին. «Էսքան տարի ես ձեն էի հանում,
ոչ ով ինձ բամբակով չլցրեց, որ քիչ գրնջանամ, համա նա բամ-
բակով լցրեց, ինչի՞ ես ձեն հանեմ»: Դռանը ասեց. «Ինչո՞ւ չկողպ-
վեցիր»: Նա ասեց. «Էսքան ժամանակ ես կողպված էի, ոչ ով ինձ
չրաց արեց, համա նա էկավ ինձ բաց արեց ես ինչո՞ւ նրան բռ-
նեի»: Ոչխարին ասեց. «Ինչո՞ւ նրան չբռնեցիր»: Նա պատասխան
տվեց. «Էսքան ժամանակ առաջս գրած էր դմակ, ես մնացել էի
սոված, նա էկավ առաջիցս դմակը վե կալավ ու խոտ դրեց, ինչո՞ւ
նրան ես բռնեի»: Դևիկն ասեց. «Ինչո՞ւ նրան չբռնեցիր»: Նա ասեց.
«Էսքան ժամանակ առաջս խոտ էր դրած ու ես մնացել էի սոված.
նա էկավ խոտը առաջիցս վե կալավ ու դմակ դրեց. ես ինչո՞ւ
նրան բռնեի, որ ինձ մենձ լավություն արեց»:

Թաքավորի աղջիկը ձին նստեց, ասպարավորվեց ու գնաց տղի
նտեղից: Էկավ տեհավ, որ էն ղոչաղ մարդը էրկու կես ա էլե ու վեր
ընկել: Հետո դնաց տեհավ, որ դեռ սպանած դիմա-դիմա ա արած:

Մուրազը էն Բյուրջյուրը տարել էր տվել Թաքավորին: Թաքա-
վորի աղջիկը դնաց հասավ էն Թաքավորի երկիրը, որի մոտ էր իրա
Բյուրջյուրը, ու մարդ ղրկեց, որ պատրաստ կենա՝ պտի գա կռվի
նրա հետ:

Թաքավորը էրկու տղա ունեւ. նրանցից մինը, որ ուզում էր
իրա ղոչաղությունը շանց տա, ասեց.

— Ես փախցրի քո Բյուրջյուրը:

Աղջիկը հարցրեց. — Ո՞նց փախցրիր:

Նա ասեց. — Էկա ու ղոռով գլխի վերեդ քաշ արած դաֆազը
փախցրի:

Աղջիկը տեհավ, որ սուտ ա ասում, մի Թաթալոշեց, որ գլուխը
հինդ սածեն հեռու վեր ընկավ: Հետո նրա մեկել աղբերը էլի սրա
նման սուտ պարծեցավ. աղջիկը տեհավ, որ սուտ ա ասում՝ սրան
էլ Թաթալոշեց ու գլուխը դեն քցեց:

Էս աղջիկը շատ ղոչաղ էր. մի անգամ, երբ սրա մարզը իրա
հետ խոսում էր, աղջիկը թևից քաշեց ու մարդի թևը կտրվեց:
Սրանից ետ նա ախտ էր արել, որ ոչ մեկի հետ չպսակվի, մինչև
որ իրա նման ղոչաղ մարդ պատահի ու հետո նրա հետ պսակվի:
Հետո աղջիկը տեհավ, որ իրա Բյուրջյուրը չեն տալի, սկսեց կռիվը

Թաքավորի հետ։ Ղոշուն ղոշնի վրա ղրկում էր Թաքավորը, համա մենակ աղջիկը փութում, կոտորում էր. նրան զադ չէր դիմանում։

Վերջը Թաքավորը Մուրադին ղոշուն ղրկեց։ Նա կռիվ չարեց, ու երբ աղջիկը հարցրեց, թե՛ դու ո՞նց փախցրիր Բլբլին, նա մին՝ մին ասեց։ Թաքավորի աղջիկը տեհավ, որ ղորթ ա ասում, ձիուց վեր էկավ ու նրա ճակատը պաշեց ու ասեց.

— Սրանից ետ ես քունը, դու իմը, ես էլ ղաթի քեզ պես ղոշադ մարդ էի ուզում ու քթա։

էս պառավը տեհավ, որ չիլնում, ուրիշ բան մտածեց։ էկավ Թաքավորին ասեց.

— Թաքավորն ապրած կենա, քեզ հիմա ղատ չի պակաս. համա պալատդ լավ չի շինած։ Լավ կըլնեմ, որ մարմարից շինեիր ու պալատիդ առաջը բադ ու բադչա ըլնի։

Թաքավորն ասեց.— Ո՞վ կաբա իմ պալատի առաջը բադ ու բադչա քցի, որ ես ման գամ, արևը, լիսը վրիս չընկնի իսկի։

Պառավը ասեց.— Մուրադը կարա, որ քու ձիապանն ա։

Թաքավորը Մուրադին կանչեց ու ասեց, որ իրա պալատի առաջը պտի բադ ու բադչա քցի, ոնց որ ըլնի. որ չկարենա, նրա գլուխը կտրել կտա։ Մուրադը տրտում-տխուր գնաց ու իրա կրնկանը էս բանը ասեց։ Նա էլ սրան ումուդով արեց, ասելով. «Բադ ու բադչա քցելը ինձ վրա ըլնի»։ Մեկել օրը աղջիկը իրա մատանիքը օլորեց, էրկու մարդ էկան նրա առաջ կանգնեցին ու ասեցին. «Քանդենք, թե շինենք»։ Աղջիկը ասեց. «Շինե՛ք», ու մի սհաթումը նրանք Թաքավորի պալատի առաջը բադ ու բադչա քցեցին։

Պառավը սրանով էլ հերիք չկացավ ու Թաքավորին ասեց.

— Լավ կըլնեմ, որ քու պալատը մարմարի քարից ըլնեմ շինած։

Թաքավորն ասեց.— Ո՞վ կարա ինձ հմար էսքան մարմար բերի, որ հերիք գա իմ պալատը շինելու համար։

Պառավը ասեց.— Մենակ քու ձիապան Մուրադը կարա բերի էնքան մարմար։

Թաքավորը էլի Մուրադին կանչեց ու ասեց, որ իրա հմար էնքան մարմար պտի բերի, որ իրա պալատը շինելու համար հերիք գա։ Նա գնաց ու գոմումը նստեց մի պառավ ձիու առաջ ու լադ էլավ։ էն ձին հարցրեց, թե ինչո՞ւ ա լաց ըլնում։

նա ասեց.— Թաքավորն ասել ա, որ իրա հմար էնքան մարմար ըրերւմ, որ հերիք դա պալատի համար:

Ձին ասեց.— Իսկի դու դարդ մի անի. ես ուստա Մուրադի ձին եմ ու ամեն ճամփա դիտեմ: Էդուց մենք կէթանք մի տեղ, որտեղ մարմար շատ կա: Դու մի կտոր մարմար կվերցնես ու ինձ կքշես: Համա ետ թանաջ շանկս, վալն էկել ա բեղ տարել, ես էլ դու էլ քար կրլնենք: Քար, քու, սար, ձոր ետեկցդ ձեն կտան. «տարա՛ն», տարա՛ն» դու չսես:

Առավոտը որ լիսը բացվեց թե չէ, Մուրադը էս պառավ ձին նստեց ու քշեց դպա էն տեղը: Մուրադը մի մարմարի կտոր վեր կալավ ու փախավ: Ետեկց էնքան ձեն ավին. «տարա՛ն», համա Մուրադը իսկի չսեց ու էկավ Թաքավորի մոտ: Մեկ էլ ինչ տեսնեն՝ ղրո, ղրո էկան ու լցվեցին մարմարի քարերը Թաքավորի պալատը:

Պառավը սրանով էլ հերիք չէլավ. Թաքավորին ասեց.

— Կավ կրլնիր, որ քու պալատը ծածկելու համար ֆլան մեշունը շամի ծառեր կան, բերել տաս: Էն ծառերը շատ դալիմ են ու հաստ:

Թաքավորը հարցրեց.— Ով կարա ինձ համար էնքան հեռու մեշից շամի դերաններ բերի:

Պառավը էլի Մուրադին շանց տվեց: Թաքավորը Մուրադին էլի կանչեց ու ասեց.

— Ոնց որ լլնի, պտի էթաս ինձ համար ֆլան մեշիցը շամի դերաններ բերես:

Մուրադը էլի տրտում-տխուր դնաց իրա պառավ ձիու մոտ նստեց ու լաց էլավ ու ձիուն պատմեց Թաքավորի ուզածը:

Ձին ասեց.— Դու դարդ մի անի: Էդուց ինձ վրա կնստես, ես քեղ կտանեմ էն մեշեն: Մի ծառի ճուղք կկտրես ու կփախչես, համա էլի ես շմտիկ անես: Ետեկցդ ձեն կտան՝ «տարա՛ն», դու ականջ չդնես:

Առավոտը, հենց որ լիսը բացվեց, Մուրադը նստեց ձին ու քշեց դպա էն մեշեն: Մի ճուղք կտրեց ու փախավ: Ետեկցը ձեն տվին՝ «տարա՛ն», համա նա իսկի մտիկ չարավ ու քշեց հասավ Թաքավորի մոտ: Մեկ էլ տեսնես՝ ինչքան ծառ կար մեշուն, քոքը-հան էլան ու էկան թափվեցին Թաքավորի պալատը:

Պառավը սրանով էլ հերիք չկացավ ու Թաքավորին ասեց.

— Թաքավորն ապրած կենա, էս ա ամեն բան հազիր ա, մնում ա, որ շինող բերել տաս: էս պալատը ոչ ով չի կարա շինի, բացի Ուստա Մուրադից, համա նա էս օխտը տարի ա՝ մեռել ա: Նա շատ լավ բաննահ էր. մենակ նա կարա շինի: Պառավը էս բանն էլ Մուրադի վրա քցեց:

Թաքավորը էլի կանչեց Մուրադին ու ասեց, որ էթա, ոնց որ ըլնի, Ուստա Մուրադին բերի. թե չէ գլուխը կտրել կտա: Մուրադը էլի գնաց պառավ ձիու մոտ ու թաքավորի ուզածը ասեց.

Ձին ասեց.— Նա էս օխտը տարի ա՝ մեռած ա. ես գիտեմ նրա տեղը, կէթանք:

Մեկել օրը Մուրադը ձին նստեց ու քչեց դպա Ուստա Մուրադը: Նա մի մաղարի մեջ էր թաղված:

Մուրադը մտավ մաղարեն ու ձեն տվեց.— Ուստա Մուրա՛դ, Ուստա Մուրա՛դ, դուս արի՛, բան եմ ասելու:

Մուրադը մաղարի միջից ձեն տվեց.— էդ ո՞վ ա, ես էս օխտը տարի ա մեռել եմ. ինձ հիմա եք հարցնում:

Հետո ձին իրա կողմից աղաչանք արեց.— Ուստա Մուրա՛դ, էս մինն էլ իմ խաթրու: Քանի տարի ինձ վրա նստել ես, ամեն տեղ ման ես էկել. էս մի իմ խնդիրքս կատարի ու դուս արի ըդտեղից: Ուստա Մուրադը որ իրա ձիու ձենը լսեց, էն սհաթին դուս էկավ մաղարից ու Մուրադը մին-մին ասեց թաքավորի ուզածը:

Ուստա Մուրադը ասեց.— Չաքուջս ու մալես¹ քափչի ըստեղ չի, ֆլան Մարդագելի մոտ, պատին քաջ ա արած: Մուրա՛դ, դու գնա բեր: Երբոր կմտնես. նա կգա ու քեզ կբարևի ու կասի. «Նստի, ես էթամ քեզ համար կերակուր բերեմ», համա չլսես. նա էթում ա մեկել օթախը, ատամները սրի քեզ ուտելու համար: Դու էլ նրան մտիկ շանես, պատի վրեն խուրջին ա քաշ արած, վեր կկայնես ու կբերես: Համա Մարդագելը էլի հետևիցդ կընկնի ու կհասնի: Հետո կտանես իրեք բան՝ սապոն, սանդր ու ջուր: Առաջին անգամ սապոնը կքցես՝ նրա ոտները սոթ կտա, չի կարա հասնի, թե որ տենաս էլի չի օգնում, սանդրը քցի՝ մի մենձ մեշա կրլնի. համա տենաս որ ծառերը կոտրտելով հետևիցդ գալիս ա, որ հասնի, ջուրը քցի՝ ու էն սհաթը մի մենձ ծով կբացվի առաջը ու նա էլ չի կարա դա, կխեղդվի:

¹ Հաջորդ բառը ձեռագրում անընթեռնելի է (Մ. Կ.):

Ոնց որ Ուստա Մուրադը ասեց, Մուրադը էնպես էլ արեց ու դնալ Մարդադելի մոտից շաքուշը ու քափշին փախցրեց ու բերեց տվեց Ուստա Մուրադին ու էկան, որ թաքավորի պալատո շինեն։ Ուստա Մուրադը իրա համար նստած էր ու շաքշին ասում էր՝ քարը կոտրի, մալին ասում էր՝ ցեխ ածա, ու ինքը թարերը դարսում էր։ Էնթան որ սաղ պալատը շինեց պրծավ մի շաբաթեն վրա։

Քաֆթառ պառավը էլ շկարաց բան դտնի, որ կարենա նրան կորցնի ու մնաց սեէրես Մուրադի աղբրտոնց մոտ։

Մրանից հետո թաքավորին ասեց.— Թաքավորն ապրած կենա, ինչքան ծառայություն արի քեզ, հերիք ա։ Ես էթում եմ, մեր երկիրը. քեզանից ևս զադ չեմ ուզում, ո՛չ մալ, ո՛չ դուլվաթ, ինձ մենակ էլ պառավ ձին տուր, հերիք ա։

Թաքավորը շատ զոռեց, որ լավ քյահլան ձիաներ վեր կալնի, համա նա շուղեց։ Վե կալավ իրա կնկանը, նստեցին իրանց ձիաները ու տանն դուս։ Մուրադը իրա պառավ ձին էր նստել, իսկ կնիկը ուրիշ մի ձի։

Գնացին, դնացին, շատն ու քիշը աստոծ դիտա, ռաստ էկավ մի բեզրդյան։ Էս բեզրդյանը շատ սատանա մարդ էր. ում հետ մարջ էր էկել, տարել էր։ Մուրադին ասեց.— Արի տափ կենանք, ով ում դանի՝ նա տարել ա։ Թե որ ես գտնեմ քու մալ ու դուլվաթը, կնիկը, ձին ու ինչ որ ունես ինձ տաս, թե զու տանես՝ ես քեզ կտամ իմ ունեցած-չունեցածը, մալ ու դուլվաթ, իմ կնիկն ու ձիաները։

Մուրադը ասեց.— Լա՛վ, տափ կացիր, ես քեզ կքթենեմ։

Բեզրդյանը մտավ մկան րունը։ Ձին Մուրադին ասեց, որ մկան բնումն ա։

Մուրադը ասեց.— Մկան բնումն ես, դուս արի՛։

Բեզրդյանը դուս էկավ ու մեկ էլ տափ կացավ։ Ձին ասեց, որ հրեն քոլի տակին ա։

Մուրադը ասեց.— Քոլի տակին ես, դուս արի՛։

Բեզրդյանը դուս էկավ։ Մնաց մի անդամ։ Էս անգամ բեզրդյանը պուճուրացավ ու ոչխարի կտտորի տակ մտավ։ Ձին ասեց, որ ոչխարի կտտորի տակին ա։

Մուրադը ասեց.— Ոչխարի կտտորի տակին ես, դուս արի՛։

Բեզրդյանը տարվեց։ Հիմի դորը էկավ Մուրադին։ Ձին նրան գարու հատիկ շինեց ու դրեց ատամի տակը։ Բեզրդյանը գես ընկավ, դեն ընկավ՝ չգտավ։

— Որտե՞ղ ես, դուս արի՛, տարար աղքեր, չկարացի գտնեմ:
Մուրադը ձիու ատամի տակից դուս էկավ: Մուրադը մեկ էլ
թաք կացավ: Էս անգամ ձին նրան աչքի արտևանունքի մազ շինեց
ու կպցրեց աչքի կոպին: Շատ դես ու դեն ընկավ բեզրգյանը՝ չը-
գստավ:

— Էս անգամ էլ տարար, դուս արի՛,— ասեց բեզրգյանը:

Մնաց մի անգամ, էս էլ որ չգտնի, Մուրադը տարել ա բեզր-
գյանին: Ձին Մուրադին մեխ շինեց, դրեց նալի վրա: Շատ դես,
դեն ընկավ, չգտավ բեզրգյանը:

— Աղքեր, տարար, ինչ որ ունեմ-չունեմ քեղ ըլնի, իմ կնի-
կը, իմ մալ ու դովաթը, իմ ձիաները:

Համա Մուրադը նրա մալ ու դովաթը ետ ա տալի ու իրա
հմար վեր ա կալնում մի Ոսկե աքլոր:

Սրանից հետո գալիս են, գալի ու մի թաքավորի երկրում վեր
գալի: Էս թաքավորի աղջիկը մարդկերանց իրեք բան էր ասում, ով
որ ասեր՝ նրա վրա կպսակվեր, ով որ չէ՝ նրա գլուխը կտրում էր:
Էսպես հազարի գլուխը կտրել էր, ով չէր կարացե նրա ասածը ի-
մանա: Մուրադը գնաց ասեց, որ «Ես կիմանամ»: Թաքավոր մենձ
դիվան սարքեց, որ պտի լսեին, ինչ որ ասում էր Մուրադը ու
տենային՝ դրուստ ա ասում, թե սուտ: Էս աղջիկը պատին քաշ էր
արել իրեք բան՝ դալխան, թուր, փարչ:

Աղջիկը հարցրեց.— Էս դալխանը ո՞ւմ կհասնի՝ սրա փետ շի-
նողին, թե նրա վրա մեխեր տվողին:

Ձին նրան ասեց, որ «Ասա փետ շինողին»:

Մուրադը ասեց.— Հալբաթքի փետ շինողին, չունքի նա դհա
շատ ա շարշարվի:

Դիվանի նստողները ասեցին.— Էվալլա՛, քթար, էդ ա:

Հետո ասեց աղջիկը.— Էս թուրը ո՞ւմ կհասնի՝ սրա մադան
հանողին, թե շինողին: Ձին ասեց. «Ասա, մադան հանողին»:

Մուրադը ասեց.— Հալբաթ մադան հանողին, որ շատ ա շարշարվի:

— Էվալլա՛, էս էլ քթար,— ասեցին դիվանի մարդիկ:

Մնաց մինը, որ էն էլ քթներ, բանը սլծած էր:

Աղջիկը ասեց.— Էս փարչը ո՞ւմ կհասնի՝ նրան, ով որ հողը
բերել ա ու շինել, թե նրան, ով որ էս փարչը առել ա:

Ձին Մուրադին ասեց, որ. «Հող բերողին ու շինողին կհասնի»։
Մուրադը ասեց. — Հալբաթ որ հող բերողին ու շինողին կհաս-

նի, նրանք զհա ազելի են շարշարվել։
— Էվալլա՛, — ասեցին դիվանի մարդիկը, — իրենք էլ տարավ։

Աղջիկը ասեց. — Մրանից դենը ես քունը, դու իմը։

Համա ձին ասեց, որ՝ էն աղջկա փորում օձ կա, էն օձը քեզ
պտի դիան տա։ Դու ղնա քեզ հմար ընկեր ղտի ու բեր՝ ինչ որ
ունես-չունես իրար մեջ փայ արեք, երբ որ կգա էդ աղջիկը դու
ասա. «Աղբե՛ր, արի հալալ փայ անենք» ու թուրդ քաշի, որ տաս,
կես անես։ Նա կվախենա ու բերանից օձը դուս կքցի։

Մուրադը բանեց էլ անում ա. էթում ա մնի յախից բռնում.

— Աղբե՛ր, — ասում ա, — արի ընկեր ըլնենք, ինչ որ ունես
իրար մեջ փայ անենք։

Նա էլ ինչու չէր ուղի, ասեց, — Լա՛վ, անենք։ Ինչ որ ունենի՝
փայ արին։ Էկավ աղջիկը։

Մուրադը ասեց. — Աղբեր, Լս հալալություն եմ սիրում, արի
հալալ փայ անենք։ Ու թուրը քաշեց, որ կես անի, օձը բերանից
դուս թռավ։ Մուրադը օձին սպանեց, աղջիկը ու իրա փայը տվից
ընկորը։

Հետո իրա կնկա հետ էթում ա իրանց երկիրը, իրա մորը
ինչ որ ղլխով անց ա կացե, մին-մին ասում ա։ Թաքավորը իրա
թախտից վեր ա դալի ու իրա որդուն ա նստացնում։ Իսկ մեկել
էրկու աղբրտանց տանից դուս ա անում։

